



盧綸集卷第三


五言律詩

寄贈暢當山居

古苔荒石路歲晏獨言歸
山雪厚三尺社榆
麤十圍虬龍寧守蟄
鸞鶴豈矜飛
君子固安
分無聽勞者譏

偶宿山中憶暢當

深山夜雪晴坐憶
山明讀易罷三卷
彈琴
當五更薜蘿枯有影
崑壑凍無聲
此夕一相



望君應知我誠

行藥前軒呈董山人

不覺老將至瘦來方自驚朝昏多病色起坐
有勞聲腴暖苦晴癢藏虛唯耳鳴桑公富靈
術一爲保餘生

新移北廳貽同院諸公兼呈暢博士
華軒邇台座顧影忝時倫弱質偃彌曠清風
來亦頻恩輝坐凌邁景物恣芳新終乃愧吾
友無容私此身

喜從弟激初至

儒服策羸車 然過我廬叙年慙已長稱從
意何踈作吏清無比爲文屢有餘應嗤受恩
者頭白讀兵書

尋賈尊師

玉洞秦時客焚香映綠蘿新傳左慈訣曾與
右軍鵝井曰陰符適方書古字多成都今日
雨應與酒相和

宿程上人院

竹窓聞遠水月出似溪中香覆經年火幡飄
後夜風性昏知道晚學淺喜言同一悟歸身
處何山路不通

題李沆林園

古巷牛羊出重門接柳陰間看入竹路自有
向山心種藥齊幽石耕田到遠林願同詞賦
客得興謝家深

過司空曙山居

南北與山憐處處一身繁霜疑有雪枯草
似無人遂性在耕稼所交唯賤貧言張掾
傲每重德璋親

題揚號縣竹亭

夜宿密公室話餘將晝興遶堦三徑雪當戶
一池冰家訓資風化心源隱政能明朝復何
見萊草古溝塍

雪謗後逢李叔度

相逢空握手往事不堪思見少情難盡愁深
語自遲草生分路處雨散出山時強得寬離

恨唯當說後期

春日過李侍御

高柳滿春城東園有鳥聲折花朝露滴激石
野泉清心許陶家醉詩逢謝客成應憐未行
吏曾是魯諸生

秋夜同暢當宿藏公院

禮足一垂淚醫王知病由風螢方喜夜露槿
已傷秋願以兒童愛每從仁者求將祈竟何
得滅跡在緇流

同耿緯宿陸澧旅舍

當軒雲月開清夜故人杯擁褐覺霜下抱琴
聞鴈來迎風君顧步臨路我遲迴雙鬢共如
此此歡非易陪

題苗員外竹間亭

高甃絕行塵開簾似有春風傾竹上雪山對
酒邊人步暖先逢日書空遠見鄰還同內齋
暇登賞及諸姻

奉陪侍中登西樓

高樓倚玉梯朱檻與雲齊顧盼親霄漢談諧
息鼓鼙洪河迴更直野雨急仍低今日陪樽
俎唯當醉似泥

九日奉陪侍中宴西樓

露白菊氤氳西樓盛襲文玉筵秋令節金鉞
漢元勲說劔風生座抽琴鶴遶雲謏儒無以
答願得備前軍

九日奉陪令公登西樓同詠菊

瓊樽有菊可以獻留侯願比三花秀非同

百卉秋金英分葉細玉露結房稠黃雀知恩
在銜飛亦上樓

奉陪侍中上巳日泛渭河

素舸錦帆開浮天接上台晚鷺和玉笛春浪
動金壘舟楫方潮海鯨鯢自曝腮應憐似萍
者空逐榜人迴

春日陪李庶子遵善寺東院曉望

映竹水田分當山起鴈群陽峯高對寺陰井
下通雲晝唯逢鶴花時此見君由來禪誦

地多有謝公文

題興善寺後池

隔窓棲白鳥似與鏡湖鄰
月照何年樹花逢
幾遍人岸莎青有路苔徑綠
無塵永願依容
止山中老此身

陪中書李紆舍人夜泛東池

看月復聽琴移舟出樹陰
夜村機杼惹秋水
芰荷深石靜龜潛上萍開
果暗沉何言奉杯
酒得見五湖心

題雲際寺上方

松高蘿蔓輕中有石牀平
下界水長急上方
燈自明空門不易啓
初地本無程迴步忽山
盡萬緣從此生

九日同司直九叔崔侍御登寶鷄南樓

把菊歎將老上樓悲未還
短長新白髮稠疊
舊青山霜氣清衿袖
琴聲引醉閑竹林惟七
友何幸亦登攀

同崔峒補闕慈恩寺避暑

寺涼高樹合卧石綠陰中伴鶴慙仙侶依僧
學老翁魚沉荷葉露鳥散竹林風始悟塵居
者應將火宅同

秋夜同暢當宿潭上西亭

圓月出山頭七賢林下游稍稍寒葉墜灑灑
月波流鳧鵠共思曉菰蒲相與秋明當此中
別一為望汀州

秋夜宴集陳雄郎中圃亭美校書郎

張正元歸鄉

泉清蘭菊稠紅果落城溝保慶臺榭古感時
琴瑟秋碩儒歡頗至名士禮能周為謝邑中
少無驚池上鷗

同薛存誠登栖巖寺

衰蹇步難前上山如上天塵泥來自晚猿鳥
到何先萬壑應孤磬百花通一泉蒼蒼此明
月下界正沉眠

冬日宴郭監林亭

玉勒聚如雲森森鸞鶴群據梧花蜀接沃盥
石泉分華味慙初識新聲喜盡聞此山投老
賤敢不謝夫君

同耿滯司空曙二拾遺題韋貞外東齋花樹

綠砌紅花樹狂風獨未吹光中疑有燭密處
似無枝鳥動香輕發人愁影屢移今朝數片
落為報漢郎知

觀袁修侍郎漲新池

引水香山近穿雲復遶林纔聞籬外響已覺
石邊深滿處侵苔色澄來見柳陰微風月明
夜知有五湖心

和徐法曹贈崔洛陽斑竹杖以詩見答

玉幹一尋餘苔花錦不如勁堪和醉倚輕好
向空書採拂稽山曲因依釋氏居方辰將獨
步豈與此君踈

泊楊子江畔

山映南徐暮千帆入古津魚驚出浦火月照
渡江人清鏡催雙鬢滄波寄一身空憐莎草
色長接故園春

江行次武昌縣

家寄五湖間扁舟往復還年年生白髮處處
上青山去國空知遠安身竟不閒更悲江伴
柳長是此人攀

夜泊金陵

圓月出高城蒼蒼照水管江中正吹笛樓上
又無更洛下仍傳箭關西欲進兵誰知五湖
外諸將但爭名

送李端公

故關衰草遍離別自堪悲路出黃雲外人歸
暮雪時少孤爲客早多難識君遲掩淚空相
向風塵何處期

秋晚山中別業

樹老野泉清幽人好獨行去閑知路靜歸晚
喜山明蘭茝通荒井牛羊出古城茂陵秋最

冷誰念一書生

關口逢徐郎中

廢寺連荒壘那知見子真
關城夜有雪水渡曉無人
酒裏唯多病山中願作隣
常聞兄弟樂誰肯信家貧

山中詠古木

高木已蕭索夜雨復秋風
墜葉鳴叢竹斜根擁斷蓬
半侵山影裡長在水聲中
此地何人到雲門去亦通

送少微上人遊蜀

瓶鉢遶禪衣連宵宿翠微
樹開巴水遠山曉蜀星稀
遍識中朝貴多諳外學非
何當一傳付道侶願知歸

送寧國夏侯丞

楚國青蕪上秋雲似白波
五湖長路少九派亂山多
謝守通詩宴陶公許醉過
憮然餞離阻年髮兩蹉跎

送袁備

諫獵名空久，多因病與貧。
買書行幾市，帶雨別何人。
客路山連水，軍州日映塵。
淒涼一分手，俱恨老相親。

非所送苗員外之上都

謀身當議罪，寧遣交朋聞。
禍近防難及，愁長事未分。
寂寥驚語遠，幽閉望歸雲。
親戚如相見，唯應泣向君。

李校書赴東川幕

泥坂望青城，浮雲與棧平。
字形知國號，眉勢

識山名。編簡塵封閣，戈鋌照雪營。
男兒須聘用，莫信筆堪耕。

至德中贈內兄劉贊

時難訪親戚，相見喜還悲。
好學年空在，從戎事已遲。
聽琴泉落處，步履雪深時。
惆悵多邊信，青山共有期。

春日灞亭同苗員外寄皇甫侍御

坐見春雲暮，無因報所思。
川平人去遠，日暖鴈飛遲。
對酒山長在，看花鬢自衰。
誰堪登灞

岸還作舊鄉悲

送顏推官遊銀夏謁韓大夫

叢杯叫寒笛滿眼寒山青才子尊前畫將軍
石上銘獵聲雲外響戰血雨中腥苦樂從來
事因君一涕零

咸陽送房濟侍御歸太原幕

舊居無舊隣似見故鄉春復對別離酒欲成
衰老人客衣頻染淚軍旅亦多塵握手重相
勉平生心所因

送何召落第歸蜀

裊斜行客過棧道響危空路濕雲初上山明
日正中水程通海貨地利雜吳風一別金門
遠何人復薦雄

送耿拾遺滹沱充括圖書使往江淮

傳令收遺籍諸儒喜餞君孔家唯有地禹穴
但生雲編簡還知續蟲魚亦自分如逢北山
隱一為謝移文

送郭判官赴振武

黃河九曲流繚繞古邊州鳴鴈飛初夜羗胡
征事秋淒涼金管思迢遞玉人愁七葉推多
慶須懷殺敵憂

春江夕望

洞庭芳草遍楚客莫思歸經難入空老逢春
鴈自飛東西兄弟遠存歿友朋稀獨立還垂
淚天南一布衣

送元昱尉義興

欲成雲海別一夜夢天涯白浪緣江雨青山

繞縣花風標當劇步冠帶稱儒家去矣謝親
愛知余髮已華

送黎兵曹往陝府結親

郎馬兩如龍春朝上路逢鴛鴦初集水蘿薜
欲依松步障珂聲轉粧臺燭影重何言在陰
者得是戴侯宗

送樂平苗明府

累職比柴桑清秋入楚鄉一船燈照浪兩岸
樹凝霜亭吏趨寒霧山城欲曙光無辭折腰

久仲德在鵷行

卧病書懷

苦心三十載白首遇艱難舊地成孤客人家
賴釣竿貌衰緣藥盡起晚為山寒老病今如
此無人更問看

落第後歸終南別業

久為名所誤春盡始歸山落羽羞言命逢人
強破顏交踈貧病裏身老是非間不及東溪
月漁翁夜往還

送朝邑張明府

千室暮山西浮雲與樹齊剖辭雲落紙擁吏
雪成泥野火蘆千頃河田水萬畦不知琴月
夜誰得聽烏啼

送李方東歸

故交三四人聞別共沾巾舉目是陳事滿城
無至親身從喪日病家自儉年貧北去何堪
遠遺孤在舊鄰

秋晚霽後野望憶夏侯審

天清禾黍平暢目亦傷情野店雲日照孤庄
砧杵鳴川原唯寂寞岐路自縱橫前後無儔
侶此懷誰與呈

送王尊師

夢別一仙人霞衣滿鶴身旌幢天路晚桃杏
海山春種玉非求稔燒金不為貧自憐頭白
早難與葛洪親

送撫州周使君

周郎三十餘天子賜魚書龍節隨雲水金鏡

動里閭松聲三楚遠鄉思百花初若轉弘農
守蕭咸事不如

送王錄事赴任蘇州

迎拜路萬里一帆前潮作澆田雨雲成
吏寒惟重法俗富不憂邊西掖今宵
詠還須寄阿蓮

送唯上人歸江南

落日映危樞歸僧問嶽陽注瓶寒浪靜讀律
夜船香苦露沉山影陰霾發海光群生一何

負病禮醫王

送恒操上人歸江外省觀

依佛不違親高堂與寺鄰問安雙樹曉求膳
一僧貧持呪過龍廟翻經化海人還同惠休
去儒者亦沾巾

送都尉歸邊

好勇知名早爭雄上將間戰多春入塞獵慣
夜燒山合陣龍蛇動移軍草木間今來部曲
盡白首過蕭關

寄司空曙

壯志隨年盡謀身獨未安艱危交契絕老大
別離難臘近晴多暖春遲夜却寒誰憐少兄
弟五十未爲官

送永陽崔明府

鶴唳蒹葭曉中流見楚城浪清風乍息山白
月猶明廢路開荒木歸人種古營懸聞正訛
俗邠曼最知名

盧綸集卷第三

盧綸集卷第四

五言律

號州逢侯釗同尋南館因贈別

相見翻惆悵應隣謫廢官過深慙祿在識淺
賴刑寬獨失耕桑業同思弟姪歡衰貧羞客
過卑束會君難放鶴登雲壁澆花遶石壇興
還江海跡在是非端林密風聲結山高雨
色寒悠然此中別賓僕亦闌干

送夏侯校書題華陰別墅

山前白鶴村竹雪覆柴門候客定為黍務農
應燎原乳水懸暗井連石照晴軒貰酒鄰里
睦曝衣塲圃喧依然望君去余性一何昏

酬陳雄郎中冬日携柳郎竇郎歸河
中舊居見寄

三旬一休沐清景滿林廬南郭群儒從東牀
兩客居曉煙浮野雪麥壠潤冰渠斑白皆持
酒蓬茅盡有書終期買寒渚同此利蒲漁

東潭宴餞河南趙少尹

十載奉戎軒日聞君子言方將賀榮爵遽乃
愴離罇岸轉臺閣麗潭清絃管繁松篁難晦
節雨露不私恩坐使吏相勉居為儒所尊可
憐桃李樹光發信陵門

奉和聖製麟德殿宴百寮

雲闕御筵張山呼聖壽長玉欄豐瑞草金陛
立神羊台鼎資庖膳天星奉酒漿蠻夷陪作
位犀象舞成行網已祛三面歌因守四方千
秋不可極花發滿宮香

和李使君三郎早秋城北亭樓宴崔
司士因寄關中弟張評事時遇

黃花古城路上盡見青山桑柘晴川口牛羊
落照間野情隨卷幔軍事隔重關道合偏多
賞官微獨不閑鶴分琴久罷書到鴈應還為
謝登龍客瓊枝寄一攀

奉和戶曹叔夏夜寓直寄呈

歛板奉清詞恭聞侍直時暮塵歸衆騎邃宇
捨諸司華月先燈至清風與簾隨亂螢光熠
熠行樹影離離龍計人寧識鵬搏鷄豈知便
應當五夜敢望竹林期

逢南使因寄嶺外故人

見說南來處蒼梧接桂林過秋天更暖邊海
日長陰巴路綠雲出蠻鄉入洞深信迴人自
老夢到月應沉碧水通春色青山寄遠心炎
方難久客為爾一沾襟

江北憶崔汶

夜問江西客還知在楚鄉全身出部伍盡室

逐漁商晴日遊瓜步新年對漢陽月昏驚浪
白瘴起覺雲黃望嶺家何處登山淚幾行閩
中傳有雪應且住南康

同耿拾遺春中題第四郎新脩書院
得接西園會多因野性同引藤連樹影移石
間花叢學就晨昏外歡生禮樂中春遊隨墨
客夜宿伴潛公散秩燈驚鷺開簾月帶風朝
朝在門下自與五侯通

過終南柳處士

五老正相尋圍碁到煮金石摧丹井閉月過
洞門深遠鳥三時下藤蘿十里陰綠泉多草
氣清壁少花林自愧非仙侶何言見道心悠
哉宿山口雷雨夜沉沉

題念濟寺翬上人院

泉響竹蕭蕭潛公居處遙虛空聞偈夜清淨
雨花朝放鶴臨山閣降龍步石橋世塵徒委
積劫火定焚燒苔壁雲難聚風篁露易搖浮
生亦無着况乃芭蕉

過樓觀李尊師

城闕望煙霞常悲僊路賒寧知樵子徑得到
葛洪家犬吠松間月人行洞裏花留詩千歲
鶴送客五雲車訪世山空在觀棊日未斜不
知塵俗上誰解種胡麻

奉陪侍中春日過武安君廟

長裾間貔虎遺廟盛攀登白羽三千騎紅林
一萬層元臣達幽契祝史告明徵撫坐悲今
古瞻容感廢興迴風卷叢栢驟雨濕諸陵倏
忽煙花霽當營看月升

宴趙氏昆季書院因與會文并率爾

投贈

詩禮挹餘波相歡在琢磨琴罇方會集珠玉
忽駢羅謝族風流盛予門福慶多花攢騏驎
櫪錦絢鳳凰窠詠雪因饒妹書經爲愛鵝仍
聞廣被更有遠儒過

奉和李益遊棲巖寺

林香雨氣新山寺綠無塵遂結雲外賞共遊

天上春鶴鳴金閣，麗僧語竹房。鄰待月水流，
急惜花風起。頻何方非壞境，此地有歸人。迴
首空門路，幡然一幻身。

寶泉寺送李益端公歸邠寧幕

參差巖嶂東，雲日晃龍宮。石淨非因雨，松涼
不爲風。戀泉將鶴並，偷果與猿同。眼界塵雖
染，心源路已通。蓮花固何恨，貝葉自無窮。早
晚登麟闕，茲門欲付公。

送彭開府往雲中覲使君兄

一門三代貴，非是主恩偏。破虜山名在，承家
劔藝全。奪旗貂帳側，射虎雪林前。鴈塞逢兄
弟，雲州發管絃。凍河光帶日，枯草淨無煙。儒
者曾雄武，因貽上將篇。

送鮑中丞赴太原

分路引鳴騶，喧喧似隴頭。暫移西掖望，全解
北門憂。專幕臨都護，分曹制督郵。積冰營不
下，盛雪獵方休。白草連胡帳，黃金擁戍樓。今
朝送旌旆，一減魯儒羞。

晚到盤屋耆老家

老翁曾舊識相引出柴門苦話別時事因尋
溪上村數年何處客近日幾家存冒雨看禾
黍逢人憶子孫亂藤穿井口流水到籬根惆
悵不堪住空山月又昏

送渾鍊歸覲卻赴闕庭

露幕擁簪裾台庭餞伯魚綵衣人競看銀詔
帝親書知子當元老為臣餞二疎執珪期已
迫捧膳步寧徐而我誠愚者夫君豈病諸探

題多決勝饌玉每分餘榮比成功後恩同造
化初醜塵方欲合籠翩忽將舒榆莢錢難比
楊花雪不如明朝古隄路心斷玉人車

落第後歸山下舊居留別劉起居昆

季

寂寞過朝昏沉憂豈易論有時空卜命無事
可酬恩寄食依鄰里成家望子孫風塵知世
路衰賤到君門醉裏因多感愁中欲強言花
林逢廢井戰地識荒園悵別臨晴野悲春上

古原鳥歸山外樹人過水邊村潘岳方稱老
稽康本厭喧誰堪將落羽迴首仰飛翻

酬暢當尋嵩嶽麻道士見寄

自別前峯隱同爲外累侵幾年親酒會此日
有僧尋學稼功還弃論邊事亦沉衆歡徒滿
目專愛久離心覽髮絲垂鏡彈琴淚灑琴訪
田悲洛下寄宅憶山陰薄溜漫青石橫雲架
碧林壞簷藤陣密衰菜棘籬深流散俱多故
憂傷併在吟唯當伺高躅歸止共抽簪

從軍行

二十在邊城軍中得勇名卷旗收敗馬古磧
擁殘兵覆陣烏鷲起燒山草木明塞間思遠
獵師老厭分營雪嶺無人過水河有鴈聲李
陵甘此沒惆悵漢公卿

客舍苦雨即事寄錢起卽士元二員

外

積雨暮淒涼羈人自栖響空宮樹接覆水
野雲低穴蟻多隨草巢蜂墜泥遶池墻蘚

合擁溜瓦松齊舊圃平如海新溝曲似溪壞
闌留衆蝶欹棟止群雞芳盛終無實槎枯返
有萸綠萍藏廢井黃葉隱危隄闔里歡將絕
朝昏望亦迷不知霄漢侶何路可相攜

郊居對雨寄趙洵給事包佶郎中

暑雨青山裏隨風到野居亂漚浮曲砌懸溜
滴前除塵鏡愁多掩蓬頭懶更梳夜窓淒枕
席陰壁潤圖書蕭颯移新竹龍鍾拾野蔬石
泉空自咽藥園不堪鋤濁水淙深輒荒蘭擁
敗渠繁枝留宿鳥碎浪出寒魚桑屐時登望
荷衣自卷舒應憐在泥滓無路託高車

書情上大尹十兄

紫陌絕纖埃油幢千騎來剖辭紛若雨奔吏
殷成雷聖澤初憂壅群心本在台海鱗方撥
刺雲翼暫徘徊方室芝蘭茂春蹊桃李開江
湖餘派少鴻鴈遠聲哀命厭著龜誘年驚弟
姪催磨鉛慙砥礪揮策媿駑駘玉管能暄谷
金爐可變灰應憐費思者銜淚亦銜枚

寄贈庫部王郎中

諤諤漢名臣從天令若春
叙辭皆詔旨稱官
即星辰草木承風偃雲雷
施澤均威懲治粟
尉恩洽讓田人泉貨方將散
京坻自此陳五
營俱益竈千里不停輪
未遠金門籍旋清玉
塞塵碩儒推慶重良友頌功頻
鶴髮逢新境
龍門躍舊鱗荷君偏有問
深感浩難申

平秋望華清宮中樹因以成詠

可憐雲木叢滿禁碧濛濛
色潤靈泉近陰清

輦路通玉壇標八柱金井識雙桐
交映凝寒
露相和起夜風數枝盤石上
幾葉落雲中
驚拂宜秋霽蟬鳴覺晝空
翠屏更隱見珠綴共
玲瓏雷雨生成早樵蘇禁令
雄野藤高助綠
仙果迥呈紅惆悵繚垣暮
茲山聞暗蛩

和考功負外秋秋憶終南舊居

靜憶溪邊宅知君許謝公
曉霜凝未耜初日照梧桐
澗鼠喧藤蔓山禽竄石叢
白雲當嶺雨黃葉遶階風
野果垂橋上高泉落水中
歡

榮來自閭廡賤賞曾通月滿珠藏海天晴鶴
在籠餘音如可寄願得隱橋東

和太常王卿秋日即事

嵩高雲日明潘嶽賦初成籬槿花無色堦桐
葉有聲絳紗垂簾淨白羽拂衣輕鴻鴈悲天
遠鱸魚覺水清別絃添夢思牧馬動邊情田
雨農官問林風苑吏驚松篁綠盛茂蓬艾自
衰榮遙仰憑軒夕惟應喜宋生

酬李叔度秋夜喜相遇因傷關東僚

友喪逝見贈

寒月照秋城秋風泉滴鳴過時見蘭蕙獨夜
感衰榮酒散同移疾心悲似遠行以愚求作
友何德敢稱兄谷變波長急松枯藥未成恐
看新鬢色怯問故人名野澤雲陰散荒原日
氣生羈飛本難定非是惡弦驚

代員將軍罷戰後歸舊里贈翔北故

人

結髮事疆場全生俱到鄉連雲防鐵嶺同日

破漁陽牧馬胡天晚移軍磧路長枕戈眠古
戍吹角立繁霜歸老勳仍在酬恩虜未忘獨
行過邑里多病對農桑雄劍休塵橐兵符寄
藥囊空餘麾下將猶逐羽林郎

題金吾郭將軍石伏茅堂

雲戟曙沉沉軒墀清且深家傳成棟美堯寵
結茅心玉佩多依石油幢亦在林鑪香諸洞
暖殿影衆山陰草奏風生筆筵開雪滿琴客
從龍關至僧自虎溪尋蕭灑延清賞周流會
素襟終朝息塵步一醉間華簪

和李舍人昆季詠冬瑰花寄贈徐侍

郎

獨鶴寄煙霜雙鸞思晚芳舊陰依謝宅新艷
出蕭牆蝶散搖輕露鶯銜入夕陽雨朝勝濯
錦風夜劇焚香麗日千層艷孤霞一片光密
來驚葉少動處覺枝長布影期高賞留春爲
遠方嘗聞贈瓊玖叨和愧升堂

和常舍人晚秋集賢院即事十二韻

寄贈江南徐薛二侍郎

綸閣九華前，森沉綵伏連。
洞門開旭日，清禁肅秋天。
霜滿朝容備，鍾餘漏唱傳。
搖璫陪羽扇，端弁入爐煙。
麟筆刪金篆，編綃薦玉編。
汲書荀勗定，漢史蔡邕專。
御竹潛通筍，宮池暗瀉泉。
亂藂縈弱蕙，墜葉灑枯蓮。
列暑齊遊日，重江並謫年。
登封思議草，侍講憶同筵。
滄海風濤廣，黝山瘴雨偏。
唯應絨上寶，贈遠一呈妍。

早春游樊川野居卻寄李端校書兼

呈崔峒補闕司空曙主簿耿滂拾遺

白水遍溝塍，青山對杜陵。
晴川人望鶴，曠野客隨僧。
古柳連巢折，荒隄帶草崩。
陰橋全覆雪，濕溜半乘冰。
鬪鼠搖松影，遊龜落石層。
韶光偏不待，衰敗朽相仍。
桂樹曾爭折，龍門幾共登。
琴師阮校尉，詩和柳吳興。
筆求書扇，張屏看畫蠅。
卜鄰空遂約，問卦獨無徵。
投足經危路，收材遇直繩。
守農窮自固，行藥病何

能掩帙蓬蒿晚臨川景氣澄颺然成一叟誰
更慕騫騰

雪謗後書事上皇甫大夫

盛德揔群英高標仰國楨獨安巡狩日曾掩
趙張名業就難辭寵朝迴更授兵曉川分牧
馬夜雪覆連營長策威殊俗嘉謀翊聖明畫
圖窺陣勢夢筆紀山行綬拂池中影珂前竹
外聲賜歡徵妓樂陪醉問公卿却憶經搖事
翻疑得此生分深存歿感恩在子孫榮覽鏡

愁將老捫心喜復驚豈言沉族重但覺殺身
輕有淚沾墳典無家集弟兄東西遭世難流
浪識交情閱古宗文舉推才慕正平應憐守
貧賤又欲事躬耕

Large, faint watermark characters, possibly reading '上海' (Shanghai).

Small circular seal impression containing Chinese characters, likely a library or collection stamp.

